

北京大學圖書館藏善本

明
朝
百
家
小
傳

北京大學圖書館藏善本

明朝百家小傳

明朝百家小傳卷上

自洪武至嘉靖

清淵王介錫美申纂

黃太常傳

洪武乙丑科

黃子澄原名湜江右分宜人洪武十七年貢入太學明年舉禮部第一授修撰伴讀東宮累官至太常卿建文為皇太孫時坐東角門謂公曰諸藩府擁重兵奈何對曰諸王僅有護兵終足自守萬一有變六師臨之誰其能支漢七國非不強卒底亡滅小大強弱之勢不同而順逆之理異也建文即位倚重公嘗曰願先生無忘東角門之言

公遂與齊泰議削諸王兵權且勸圖燕已卯耿炳文禦靖難兵戰敗
上問孰可將者曰李景隆文武全才也帝然之親餞景隆於江許會
文皇上書請誅齊泰及公始罷兵黜公歸辛巳景隆復敗公悲惋賦
詩有尚方有劍馮誰借哭向蒼天幾墮冠之句公官黜而復者再靖
難兵至文皇收左班官員榜公為首太倉衛百戶楊華縛公至京責
問不屈族其家公少受易尚書春秋負盛名孤耿自植臨難不移科
目中秉節烈者自公始云

明朝百家小傳目錄

清淵王介錫美申纂

上卷

洪武朝

黃太常

解大紳

永樂朝

于廷益

薛敬軒

正統朝

後學周鉦士聞輯

呂逢原

商素菴

景泰朝

丘瓊山

天順朝

李西崖

成化朝

羅一峰

謝木齋

王守溪

弘治朝

錢鶴灘

李崆峒

唐子畏

王陽明

穆伯潛

董中峰

正德朝

楊升菴

季彭山

嘉靖朝

唐荆川

羅洪先

許石城

諸理齋

薛方山

茅鹿門

瞿昆湖

李滄溟

王方麓

周萊峰

王元美

傅錦泉

錢兼山

王荆石

許敬菴

歸震川

下卷

隆慶朝

胡思泉

鄧定宇

黃葵陽

萬曆朝

孫月峰

趙儕鶴

邢子愿

馮具區

蘇紫溪

楊貞復

顧涇陽

李九我

湯若士

鄒泗山

萬二愚

郭明龍

葉永溪

陶石簣

董思伯

郝楚望

焦漪園

吳無障

袁中郎

顧開雍

沈何山

舒碣石

湯睡菴

孫淇澳

王古栢

黃貞父

許鍾斗

張君一

葛屺瞻

韓求仲

王愚谷

鍾伯敬

方孟旋

顧瑞屏

李愚公

天啓朝

章大力

文湛持

陳明卿

倪鴻寶

李太虛

黃石齋

艾千子

羅文止

譚友夏

崇禎朝

曹峨雪

黎博菴

金正希

張受先

楊維斗

吳駿公

張天如

楊維節

楊機部

左蘿石

李太青

陳大士

夏葵仲

陳卧子

陳素菴

金道隱

陳百史

黃蘊生

解大紳傳

洪武戊辰科

解縉字大紳江西吉水人天性敏悟七歲能賦詩日記數千言年十八舉鄉試第一成進士太祖親授為庶吉士讀中秘書日侍左右一日寓大庖西室諭之曰爾試舉今日施政所宜公即草封事萬言以進上嘉其識擢監察御史適都御史袁泰怙勢縱橫諸道欲糾之難彈文公揮筆立就上慮公少涵養將為衆所傾召其父至諭之曰才之生甚難而大器晚成且歸而子讀書十年來朝用汝未為晚也歸八年太祖賓天未奔喪有劾公違詔謫衛吏建文元年召入翰林承

樂元年修高皇實錄又修古今列女傳上親製文叙之甲申為會試
主考初上議建儲武臣請立漢王高煦公諫曰立嫡以長況世子仁
孝天下歸心復曰好聖孫謂宣宗也未幾文皇欲征交趾公立言不
可上遂疎公漢王又加譖焉下詔獄卒獄中年四十七公以易儲阻
兵二諫得罪洎宣廟初漢王果反交趾亦叛悉如公言若留於仁宣
時其功業豈在三楊下哉

于廷益傳 永樂辛丑科

于謙字廷益錢塘人永樂十九年進士骨相異常甫七歲僧蘭古春曰此他日救時宰相宣德元年授御史從討漢庶人庶人就縛上命公數庶人罪詞嚴義正上喜用公巡按江西五年河南山西災上親書公名陞侍郎巡撫二省公滿別馬政河防民租軍賦諸所擘畫皆垂為成規正統元年上便宜十事十四年也先入寇上北狩京師大震廷臣爭劾王振誤國倉卒未有處分錦衣指揮馬順素附振叱衆衆怒擊順死廷中譁甚公上陞止之又請章皇后言順罪應死擊死

勿論衆遂定王文端謝公曰今日賴公鎮定若百王直何能為章皇
后陞公兵部尚書時內外注視倚公安危景泰元年也先詔言上皇
還京京師戒嚴徐理創議南遷公慟哭力言不可會也先邀大臣出議
和公不聽也先始遁去論功加少保上推誠倚重獨秉朝綱六年大
璫舒良石亨等忌公羣猜亦起奪門出上皇南內復位亨等遂誣公
欲迎立外藩都御史蕭維禎亦恨公奏公謀反當族不辯籍家無長
物死之日陰霾蔽空海內冤之成化二年復公官遣官致祭弘治三
年贈太傅謚肅愍萬曆庚寅改忠肅

薛敬軒傳 永樂辛丑科

薛瑄字德溫號敬軒山西河津人永樂庚子以父司教鄆陵就河南鄉試擢第一明年登第就教職會宣廟思振風紀羣臣交章薦公擢御史英宗時設提學憲臣欣然就之曰此吾事也任山東督學首以朱子白鹿洞學規開示學者生徒愛敬稱為薛夫子中官王振慕公召為大理卿公不往見振大怒繫公獄坐死公怡然讀書不報大臣申救得免已已起大理丞裕陵復位知公學行以禮部侍郎兼翰林學士入內閣未幾曹石用事引疾乞休從之行至中途絕糧數日及

歸從遊益衆道日進嘗為詩曰七十六年無一事此心惟覺性天通
卒謚文清從祀廟廷公監察銀場時手錄性理大全丁丑主會試以
正學復性為言所著讀書錄河汾集皆本性命明興理學首文清云

呂逢原傳 正統壬戌科

呂原字逢原秀水人父嗣芳萬泉教諭兄本景州學正父歿景州不能歸喪奉母南旋家益貧攻苦力學知府黃懋聞秀水學官文奇之對曰學官何能為此乃邑生呂原作也懋即召公見衣藍綌與之新衣不受辛酉雋浙闈第一捷南宮廷對第二入翰林習制誥景泰中與倪謙教小內官於文華殿東廡上至廡中命公講堯典大悅進講讀學士兼中允天順初改通政左叅議陞學士未幾岳公正同公上石曹罪狀留中不發石曹微覺遂謀摘承天門災詔中語謂內閣臣